

COROLLARIORUM

CAPUT I.

AD PANEGYRIN ARCHIEPISCOPI EBRODUNENSIS, EPISCOPI METENSIS.

Admirabile est hujus Orationis artificium. Si verba spectes, dulci omnia connexionē sibi mutuo respondent. Si materiā examines, in brevi quadam epitome exhibentur, quæ hinc inde à Gallicis Scriptoribus per prolixa volumina diffunduntur. Interim sicut Gallia habere putat, cur de tanto Oratore sibi gratuletur; sic Germani agnoscunt, posse sub verborum lenociniis latere, quod rationi, quod pietati, quod historiæ sit contrarium. Sanè quod mihi inter legendum Patriæ amor suppeditavit, facere non potui, quin publicæ censuræ submitterem. Non quasi animus sit debilem hunc calamum adversus sublimem illum Regem stringere, quod non nisi temerarii est; sed ut Oratori demonstratur, quam parum laudis in hac laude Rex inveniat; imò quantam habeat causam, Gloriosissimus Hic Monarcha, animadvertendi in Panegyristam intempestivis deprædicationibus turgidum. Cæterum libet integrum negotium paucis quæstionibus absolvere.

QVÆSTIO I.

An licitum sit Reges laudare in excessu?

§. I. Orator noster Panegyryn suam sic inchoat: *Ily a trois choses qui élèvent les Roys au plus haut point de la gloire: La Naisance, la vertu & la Fortune. Et paulò post: ces trois choses qvè ne se rencontrent presque jamais à une même personne, paroissent aujour d'huy en vostre Majesté avec tant d'éclat &c: Paulò infra: Le Ciel vous à veu Roy presque aussi tost qu'homme, & sage aussi tost qve Roy, dans un aage ou les autres Princes ne se distinguent qve par l'eclat de leurs Couronnes, & par la pompe qui les environne, vous vous estes distingué par des vertus toutes Royalles.*

I

§. II.